

四庫全書

經部

欽定四庫全書

經部

易翼宗卷二

詳校官宗人府府丞

臣寶光解

通政使司副使

臣莫瞻菴覆勘

總校官檢討

臣何思鈞

校對官中書

臣張曾炳

謄錄監生

臣史殿榮

欽定四庫全書

易翼宗卷一

湖北巡撫晏斯盛撰

上經



乾元亨利貞

傳天哉乾元萬物資始乃統天雲行雨施品物流形大明終始六位時成時乘六龍以御天乾道變化各正性

命保合太和乃利貞首出庶物萬國咸寧大象天行健
君子以自彊不息文言元者善之長也亨者嘉之會也
利者義之和也貞者事之幹也君子體仁足以長人嘉
會足以合禮利物足以和義貞固足以幹事君子行此
四德者故曰乾元亨利貞乾元者始而亨者也利貞者
性情也乾始能以美利利天下不言所利大矣哉大哉
乾乎剛健中正純粹精也六爻發揮旁通情也時乘六
龍以御天也雲行雨施天下平也繫辭乾道成男乾知

大始乾以易知成象之謂乾夫乾其靜也專其動也直
是以大生焉闢戶謂之乾夫乾確然示人易矣夫乾天
下之至健也德行恒易以知險說卦天地定位乾以君
之戰乎乾乾西北之卦也言陰陽相薄也乾健也乾為
馬乾為首乾天也故稱乎父乾為天為圜為君為父為
王為金為寒為冰為大赤為良馬為老馬為瘠馬為馵
馬為木果雜卦乾剛

奇也陽儀也畫之所以奇天之一萬象之始六畫皆

奇陽之純也最健故名乾象之始形之始氣之始即理之始也最初者也元也由是以為變化則亨通利遂而理實氣完則貞而正且固筮者十有八變六爻皆奇其辭為元亨利貞蓋元始一理因以亨通而利遂且正固焉是由元而亨利貞不少間斷亦由元即亨利貞無少虧欠天與聖人化工性分一也于人事之應亦一也事之大小不同而觀其能始與不能始始之善與不善則思過半矣

元亨利貞程子分四德雖未聯貫然尚不離乎經朱
子僅據字義釋以大通而利在正固夫彖傳文言之
釋元亨利貞如彼其盛而以大通而利在正固了之
不得也且屯隨臨无妄革亦繫元亨利貞矣分量豈
可以苟同乾之為象何象顧僅大通已乎豈其不足
于貞而須以利貞進也乾之分量既有所未稱則其
為說為杜撰而彖傳文言根極一元以為亨利貞正
體乾象而得之後人思索所不能入也若曰孔子之

說非文王之說吾不知其何說矣

古元字無訓大者書元日元首元祀詩元戎禮元子

皆謂初也始也首也爾雅初哉首基肇祖元胎俶落權

輿始也未嘗訓大象傳大哉乾元贊元之大非訓元

為大也經稱元者二十六

乾坤兩象坤六五屯訟九
五比象履上九泰六五大

有隨蠱臨无妄各象大畜六四離六二損象損六
五益初九升睽兩象井上六革鼎兩象鼎上九皆

有善之長義而比之元永貞尤明小與大對以小亨

對大亨言可云元亨以小利對大利言必不可云元

利則元不僅訓大也稱利者八十七

乾象乾九二九
五坤象坤六二

用六屯象屯初九六四蒙象蒙初六六三上九需象
需初九訟象師六五同人象大有上九謙六四六五
上六豫隨蠱臨各象臨九二六三噬嗑象噬嗑九四
賁剝象復六五无妄象无妄六二上九大畜象大畜
九三頤六三上九大過象大過九二離咸恒象恒初
六上九大壯象大壯上六明夷家人蹇解象解上六
損象損九二上九益象益初九夬萃象困九二九五
革象鼎初九六五上九艮初六漸象漸九三歸妹象
歸妹九二上六巽象巽初六九五兌
謙中孚小過既濟未濟象未濟六五
皆有義之和義

而其云无不利者尤明分言之各有利如利見大人
利建侯之類利之義專合言之利之義廣則利不僅

訓宜也象象文皆就本文起義傳辭自明

經繫元亨利貞者六

乾屯隨臨
无妄革

而屯隨臨无妄革五

卦俱有微辭則所謂元亨利貞者有未盡也不特亨利貞有未盡其元先不如乾也乾之元亨利貞剛健中正純粹以精者也

乾之元中庸所謂誠者天之道物之終始論語所謂人之生也直孟子所謂平旦之氣赤子之心也學易者當先識元



初九句潛龍勿用

傳潛龍勿用陽在下也文言初九曰潛龍勿用何謂也
子曰龍德而隱者也不易乎世不成乎名遯世无悶不
見是而无悶樂則行之憂則違之確乎其不可拔潛龍
也潛龍勿用下也潛龍勿用陽氣潛藏君子以成德為
行日可見之行也潛之為言也隱而未見行而未成是
以君子弗用也

筮者得卦自下而上故下爻為初三變皆奇除掛一歸餘其見存之策凡三十六四其九也故純陽之爻稱九龍陽物而能變化爻有龍象其體乾也在下故曰潛勿用時當潛也

潛即勿用有潛龍之德不嘗試于時不易乎世不成乎名遯世无悶不見是而无悶樂則行憂則違確乎其不可拔正潛龍之德也象占無二義

蠱上九之高尚遯九五上九之肥嘉與勿用異蓋雖

潛而非龍也側陋時晦箕穎西山皆潛也而分量殊
陽稱九以所得動爻見存之策四其九也或曰專稱
九而不及七何也曰據一爻之動而為言舉一隅也
歐陽氏曰易道占其變故以其所占者名爻不謂六
爻皆九六也



九二句見龍在田句利見大人

傳見龍在田德施普也文言九二曰見龍在田利見大

人何謂也子曰龍德而正中者也庸言之信庸行之謹
閑邪存其誠善世而不伐德博而化易曰見龍在田利
見大人君德也見龍在田時舍也見龍在田天下文明
君子學以聚之問以辨之寬以居之仁以行之易曰見
龍在田利見大人君德也

見龍對潛龍言在田對在天言龍德出潛為見雖不
在天已非在下故曰在田德無不備時可有為其施
自普乾本剛健中正而二正得其中五之合德也出

潛離隱蔚然人望大則大效小則小效不論廣狹皆
時措之宜也故曰德施

龍德正中盡九二之蘊庸言之信庸行之謹閑邪存
其誠善世不伐又是正中之蘊學聚問辨寬居仁行
又言行中切要之功德之所以博而化也博而化則
施之普矣

閑邪存誠最為平實却是自強不息之要開千古學
問之門克己復禮之事也仁也元也顏子所以能體

乾也

傳言德施普則有位矣又言時舍何也乾天德也九五天位也不在天位仍未得位也但二已出潛則德施已普即利見之義其兩言君德亦與時舍同

見龍猶言龍見利見大人即言大人見也傳兩言君德孟子所謂居仁由義備大人之事者其言大人之德則皆下學之功大學格致誠正修之事德博而化寬居仁行則正己物正

三〇二

九三

句

君子終日乾乾夕惕若

句

厲

句

无咎

傳終日乾乾反復道也文言君子終日乾乾夕惕若厲
无咎何謂也子曰君子進德修業忠信所以進德也修
辭立其誠所以居業也知至至之可與幾也知終終之
可與存義也是故居上位而不驕在下位而不憂故乾
乾因其時而惕雖危无咎矣終日乾乾行事也終日乾
乾與時偕行九三重剛而不中上不在天下不在田故

乾乾因其時而惕雖危无咎矣

以乾承乾兩乾交接之地重剛也三多凶危地也故厲然四五躍飛由此而進未至于亢也故无咎所以无咎者乾乾夕惕若為之也乾健之性無時或息至此尤加惕焉德日進業日修知至知終惕甚矣天一日一周乾三居下之上日復一日乾以繼乾故曰終日乾乾夕惕若此辭之顯著者來氏推象以互變大離為日鑒矣失天行健主象

乾乾惕若非徒畏謹也進德修業即其事矣知至至之知終終之又進修之要

與幾存義是居業進德中喫緊工夫是乾惕中喫緊精神

或以過剛為危然乾乾夕惕之本體至此愈勤則所以進德修業者仍其剛為之倘非乾德私意稍間入於柔靡失其本體過不可補矣繫辭曰无咎者善補過也乾三有之

君子無終食之間違仁其常也然造次顛沛必加省焉則无咎之道

班固曰尸祿負乘夕惕若厲張衡思立賦曰夕惕若厲以省愆今俱厲字斷句郭京舉正夕字斷句非也玩文言乾乾因時而惕雖危无咎文義甚明可證積誤



九四 句或躍在淵 句无咎

傳或躍在淵進无咎也文言九四曰或躍在淵无咎何謂也子曰上下无常非為邪也進退无恒非離羣也君子進德修業欲及時也故无咎或躍在淵自試也或躍在淵乾道乃革九四重剛而不中上不在天下不在田中不在人故或之或之者疑之也故无咎

前既稱龍故遂以龍言之龍之所起離人而見乎天惟淵象之近乎飛故曰躍位非中正四本多懼迴翔審慎及時進修大德日茂不逼乎飛无咎之道

乾乾即重剛三四皆不中故三四皆曰重剛而不中
若上則不僅不中而已也

或字極精義利用之致所以无咎者此也即象即占
講象之家以此爻變巽為進退不果未得乾四性情
失主象乾本龍德四在上卦之下近五自有此象



九五句飛龍在天句利見大人

傳飛龍在天大人造也文言九五曰飛龍在天利見大

人何謂也子曰同聲相應同氣相求水流溼火就燥雲從龍風從虎聖人作而萬物睹本乎天者親上本乎地者親下則各從其類也飛龍在天上治也飛龍在天乃位乎天德夫大人者與天地合其德與日月合其明與四時合其序與鬼神合其吉凶先天而天弗違後天而奉天時天且弗違而況于人乎況于鬼神乎

龍乾體五天位動故曰飛飛龍乾德神理之運無有形迹此天之心物之命氣之中運之盛聖人之時所

謂中天者也乾之全量也大人即聖人聖德同天見乎天位為天下所利見天地位萬物育所謂乘龍御天首庶物而萬國寧者也傳曰大人造文言曰聖人作萬物睹曰天人不違皆一意

利見大人後儒皆謂利見九二之大人傳及文言則以本位言蓋本體得位而下自應之自然之象自然之占所該者博而精後儒之說因應而起象占各自為義得其一端而遺其全理上下分屬文氣亦衡決

不貫學者深玩之自知翼義為聖人之言也



上九

句

亢龍

句

有悔

傳亢龍有悔盈不可久也文言上九曰亢龍有悔何謂也子曰貴而无位高而无民賢人在下位而无輔是以動而有悔也亢龍有悔窮之災也亢龍有悔與時偕極亢之為言也知進而不知退知存而不知亡知得而不知喪

陽剛已極在天位之外如龍之失水澤竭而雲不行
雨不施也故曰亢亢故悔其悔皆由於不知文言傳
故長言之為有字補義

上九亦龍德也然其位則已過矣亢宜凶且咎而剛
上之過適然而悔震无咎者存乎悔其初偶不及知
耳傳曰盈不可久言亢之所以悔也亦有字中精神

○○○○○

用九見羣龍无首

句吉

傳用九天德不可為首也文言乾元用九天下治也乾元用九乃見天則其惟聖人乎知進退存亡而不失其正者其惟聖人乎

羣龍六龍也六爻皆變則仍乾之全體矣六爻適均非若上九之獨出于上也渾然元亨利貞之神也不可為首非不能為首也六龍皆見不可得其首也龍見而不見其首屈伸變化存乎其神

易辭皆為筮設繫辭傳言之詳矣左傳昭十二年龍

見絳郊蔡墨曰龍水物也水官棄矣故龍不生得不然周易有之在乾之姤曰潛龍勿用其同人曰見龍在田其大有曰飛龍在天其夬曰亢龍有悔其坤曰見羣龍无首吉觀此則用九固乾卦六爻全動之辭與上九實別為一則朱子據此自當而毛西河主荆公之說必欲併上九為一且以蔡墨之說為未嘗分過矣上曰有悔此曰吉明是兩占之辭不必為過渺之論也

見羣龍无首六爻皆九之全象仍此元亨利貞之意而無有間斷不可端倪也與他卦體象毫不相涉朱子以為全動之占又以為九之凡例亦騎牆之見



坤

句元

句亨

句利牝馬之貞

句

君子有攸往

句

先迷

句

後得主

句

利西南得朋東北喪朋

句

安貞吉

傳至哉坤元萬物資生乃順承天坤厚載物德合无疆含弘光大品物咸亨牝馬地類行地无疆柔順利貞君

子攸行先迷失道後順得常西南得朋乃與類行東北
喪朋乃終有慶安貞之吉應地无疆大象地勢坤君子
以厚德載物文言坤至柔而動也剛至靜而德方後得
主而有常含萬物而化光坤道其順乎承天而時行繫
辭坤道成女坤作成物坤以簡能效法之謂坤夫坤其
靜也翕其動也闢是以廣生焉闔戶謂之坤夫坤隤然
示人簡矣夫坤天下之至順也德行恒簡以知阻說卦
天地定位坤以藏之致後乎坤坤也者地也萬物皆致

養焉故曰致役乎坤坤順也坤為牛坤為腹坤地也故稱乎母坤為地為母為布為釜為吝嗇為均為子母牛為大輿為文為衆為柄其于地也為黑雜卦坤柔

偶也陰儀也因乾有象畫之所以偶地之二萬象之成也六畫皆偶陰之純也最順故名坤筮者十有八變六爻皆偶坤之體也元亨而利且貞其為利貞也不先物而悠久无疆柔順之至也故有牝馬之義焉所以著其為坤道也亦坤之元為之也何也坤之元

順德也君子于此有所往也先則迷後則得所主是以西南陰方巽離與兌皆不先物得其朋類東北陽方所主在焉從一而終亡有朋儕此不先迷而後得所主者所以為利蓋安順貞固坤道也故吉元亨利貞坤道實配乎天矣然著其為牝馬詳及于先之迷後之得主又以見坤之元亨利貞皆順德而不同乎乾之健也細繹翼文則元亨利貞言各有當與卦為體無庸從同僅以大通而利在正固了之不得也

利牝馬之貞言利貞之柔順耳猶書言玄纘縞古文
簡與語也先迷後得主本義因其文之澁而以先迷
後得為句主利又句與翼義不合臨川吳氏以先迷
後得主為句利西南得朋東北喪朋又句深得翼義
來氏知德據九家易坤為迷謂先迷為坤象如唐武
后專政之類不知此大悖乎坤道者何得謂坤本有
迷象鑒象者之所以害義也



初六句履霜句堅冰至

傳履霜堅冰陰始凝也馴致其道至堅冰也文言積善之家必有餘慶積不善之家必有餘殃臣弑其君子弑其父非一朝一夕之故其所由來者漸矣由辯之不早辯也易曰履霜堅冰至蓋言順也

筮者三變皆偶除掛一歸餘其見存之策凡二十四四其六也故純陰之爻稱六霜凝陰之先見者也堅冰陰盛陰在初故曰履其曰至則因履而知之也

王氏應麟曰乾言勿用即復卦閉闕之義坤言堅冰
即姤卦女壯之戒按臨遯之浸而長義俱相因蓋六
卦皆陰陽之限也然乾坤以爻見復姤臨遯于全象
見又大小本末之殊

說履霜者多主抑陰然陰所以配陽不可相無臨遯
之浸而長不可相勝也若得時得正亦足見順承之
功或又以陰為小人則六二之直方大六五之黃中
通理豈盡小人乎惟偏戾而不得所居乃失陰之德

斯小人耳本爻是謹幾意堅冰則必不能為六二之直方大六五之黃裳六三之含章六四之括囊而直為上六之龍戰矣此履霜之所以致謹也傳曰馴文言曰漸曰順皆一意

陰爻稱六以所得動爻見存之策四其六也若五爻俱動而別其不動之爻則一偶二奇見存之策三十二是四其八矣亦可稱八左傳晉公子重耳筮返國得貞屯悔豫而曰皆八穆姜往東宮筮得艮之隨而

曰艮之八由此例之則乾之不變爻亦得稱七而專稱九六何也變也七八不變而九六變何也九六數之盛也七八少陽少陰陰中陽陽中陰未嘗純乎陰陽也夫何變傳曰爻也者言乎其變者也變化者進退之象也



六二

句直

方句

大句

不習

无不利

傳六二之動直以方也不習无不利地道光也文言直

其正也方其義也君子敬以直內義以方外敬義立而德不孤直方大不習无不利則不疑其所行也

直者元德所謂至哉坤元萬物資生至柔而動剛也方大者亨德所謂坤厚載物德合无疆含弘光大品物咸亨至靜而德方含萬物而化光也不習无不利則利牝馬之貞所謂行地无疆柔順利貞承天而時行安貞之吉也六二柔順中正得坤道之純故其德内直外方不待强習而自无不利

敬義立而德不孤至于不疑所行方完六二中正之
蘊敬以直內義以方外坤道如是可以達天可以配
天矣

蔡氏清曰坤之六二柔順中正得坤道之純是又當
得一全坤也若初則陰之微上則陰之極三則不中
且不正四則不中五則不正惟六二柔順中正獨得
坤道之至純地勢之全象



六三

句含章

句可貞

句或從王事

句无成有終

句

无成有終

傳含章可貞以時發也或從王事知光大也文言陰雖有美含之以從王事弗敢成也地道也妻道也臣道也地道无成而代有終也

六柔體三處下卦之上俯從乎二二陰之至美者也而三從之內蓄而不以外炫故曰含章夫蓄而不炫則正固之道也故曰可貞可貞者守以待時也或從王事則其時矣夫三居下之上比二之中正可有事

者也然以順為正故不居成功而能終于所事終事
貞也貞則地道光也故傳曰知光大

乾以五為主坤以二為主乾仰而進坤俯而從乾四
近五坤三近二故皆曰或或者審時之辭也



六四

句

括囊

句

无咎

无譽

傳括囊无咎慎不害也文言天地變化草木蕃天地閉
賢人隱易曰括囊无咎无譽盖言謹也

陰主翁受囊象也四上下之交有似乎囊口出入之
地四多懼懼則慎而持之為括結囊口之象括囊則
慎矣故无咎而亦无譽无咎是主故傳專釋无咎
无咎无譽即在括囊上見王良曰龔勝之有名不如
申屠蟠之无譽其括囊之謂乎



六五

句

黃裳

句

元

句

吉

句

傳黃裳元吉文在中也文言君子黃中通理正位居體

美在其中而暢於四肢發於事業美之至也

六五柔中文飾之盛故以服色見義黃中色裳中服五得中故有此象順德中存有坤之元於是乎吉

諸家槩以五為君位非也卦有主象有正位乾坤兩卦陰陽之大者為六十二卦之宗與他卦異乾主象九五是其正位坤主象六二是其正位是以乾尊九五坤尊六二至六五則僅以中取象黃中色裳中服乾天坤地天尊而地卑卑者地之體也黃之為裳質

雖美不可以加上體觀黃裳之象知聖人繫爻未嘗
予坤五之為君也

乾卦皆君德坤卦皆臣道聖人明陰陽之大分為易
第一義



上六句龍戰于野句其血玄黃

傳龍戰于野其道窮也文言陰疑於陽必戰為其嫌於
无陽也故稱龍焉猶未離其類也故稱血焉夫玄黃者

天地之雜也天玄而地黃

陰極于外不能承乾與陽相亢失坤之道彼此為敵
兩敗俱傷故有此象坤對乾其極象乾故亦稱龍焉
亢不相下故言戰在卦外故言野質本陰故言血玄
黃陰亢陽而色雜著也言象而占之凶在其中

乾上止言有悔憂悔吝者存乎介介焉有知則用九
之吉在焉坤上至于戰傷則凶不可言陰禍之烈如
此

來氏知德曰堅冰至者所以防龍戰之禍于其始龍戰野者所以著堅冰之至于其終



用六

句

利永貞

傳用六永貞以大終也

因上六之陰亢而著易之用也六何用善正其用也六爻皆動則坤用而從乾矣柔而常正地天成泰貞不失元六之所以善其用也坤道安貞悠久无疆則

配乎乾而後順得常故傳曰大終

先儒皆謂用九乾全變坤用六坤全變乾乾變坤猶
可言也坤變乾則柔竟可為剛而上六何以有龍戰
之戒乎不知見龍无首剛濟以柔也利永貞陰從乎
陽也陰以從陽為正戰龍先迷所以失道也坤貞失
矣永貞則後順得常悠久所以成物也不失坤道之
常斯乾應而仍有安貞之吉

陸氏振奇曰元亨利貞雖乾坤有同德然乾重元以

元為統坤重貞以貞為安何氏楷曰乾道主元故曰
乾元用九坤道主貞故言用六永貞二家得乾坤二
用之正理勝于諸儒

繫辭天尊地卑乾坤定矣乾之策二百一十有六坤之
策百四十有四凡三百有六十當期之日乾坤其易之
緼耶乾坤成列而易立乎其中矣乾坤毀則无以見易
易不可見則乾坤或幾乎息矣神農氏沒黃帝堯舜氏
作通其變使民不倦神而化之使民宜之易窮則變變

則通通則久是以自天祐之吉无不利黃帝堯舜垂衣裳而天下治蓋取諸乾坤乾坤其易之門耶乾陽物也坤陰物也陰陽合德而剛柔有體以體天地之撰以通神明之德



屯句元句亨句利句貞句勿用有攸往句利建侯

傳屯剛柔始交而難生動乎險中大亨貞雷雨之動滿盈天造草昧宜建侯而不寧大象雲雷屯君子以經綸

序卦有天地然後萬物生焉盈天地之間者唯萬物故受之以屯屯者盈也雜卦屯見而不失其居

乾交坤初為震交坤中為坎八卦相盪乾坤之後震上乘坎二剛四柔震本乾坤之初交而坎難方生震動乎坎險之中因名曰屯屯文從少貫一屈而欲舒天時人事之初起如之筮得屯象者氣始交而方長坎中陷而必伸震乎坎中當元善亨通而利遂貞固然坎險在前故勿用輕有所往震男為主故利建侯

勿用有攸往非不往也不得輕有所往也震為主而
遇坎大有為而不輕為者也故傳又著其象而重申
之以盡震坎之性情發明象文勿用有攸往而利建
侯之義也



初九句磐桓句利居貞句利建侯

傳雖磐桓志行正也以貴下賤大得民也

磐與盤通磐桓進不遽進之象因屯而言故擬震動

之初曰磐桓玩傳雖磐桓明甚象家以為柱石者不合本文剛健鎮定在震體之初為濟屯之主故有此象貞正也利居貞猶言大居正也震體無不行之勢而初爻剛正才大出以小心處卦之下成卦主象接引羣陰為衆所歸故利居貞而利建侯也

磐桓而正剛長在下彖所謂宜建侯而不寧者也濟屯主爻也時位之正也故專以主象明爻不及應比胡氏炳文曰文王卦辭有專主成卦之主而言者周

公首于此爻發之卦主震震主初磐桓即勿用有攸
往利居貞即利貞卦言利建侯者其事也利于建初
以為侯也爻言利建侯者其人也如初之才利建以
為侯也此條深得卦辭爻辭分合指歸



六二句屯如遭如乘馬班如匪寇婚媾女子貞不字句

十年乃字

媾鄭作
媾誤

傳六二之難乘剛也十年乃字反常也

六二柔中其位甚正而其時方屯其體則震又切乘
初剛難以自安故不免於屯遭之患然以柔中之德
處之則惟常理之為守久而不渝亦久而得正也皆
位之善為之也屯如行不自遂之象不如初之磐桓
矣馬謂兩剛皆有相求之象故言班如而初剛猶切
六二柔內女子之象貞守已以待正也十年數之一
終也字許嫁也陰之為性從陽為主然女子之義從
一而終今二有五為正應而下乘初剛迫而求之所

謂切近災者似寇而非寇也求婚媾也然二德中正
待應于五故雖求之迫而不之許至于十年理數一
周乃得復乎應與之常而許之君子以身許人當其
時者亦如是即象即占屯如遭如乘馬班如匪寇婚
媾女子貞不字皆難在乘剛也十七字作一句讀十
年乃字則反常也四字一句

屯六二比應兩剛羣分類聚情相關切象曰馬曰婚
媾傳曰乘剛曰反常皆以比應明爻而斷之以中正

之德故始屯而終合也

毛西河易極譏朱子字訓許嫁之非謂禮女子許嫁
笄而字男子冠而字字命字也男子焉能許嫁不知
女子許嫁而後笄而字與男子之必冠而後字同不
許嫁即不字矣訓字為許嫁極合何礙于男子之冠
且亦非朱子創解也朱子曰耿氏解女子貞不字作
許嫁笄而字貞不字者未許嫁也却與婚媾之義相
通伊川說作字育之字其于字義蓋思之已審矣

又西河易及來瞿塘易俱以坎為盜為寇象是仇視其正應且不知所謂乘剛之為難文意俱衡決不貫



六三句即鹿无虞句惟入于林中句君子幾句不如舍

句往句吝

鹿虞翻王肅作麓以倒艮互艮為象謬幾鄭作機

傳即鹿无虞以從禽也君子舍之句往吝窮也

鹿麓通虞掌禽獸之官書曰汝作朕虞若虞機張皆官名六三偏暗而危居震之極接坎之初妄動貪求

絕援寡助如即麓者之无虞羣陰聚集上迫坎陷故
曰林中无虞者必蹈之矣屯也君子見幾不如舍去
若往而不舍徒取窮吝吝即入林之窮

時方屯而六三柔暗不中在多凶之地羣柔相聚以
震終而接坎下往而必窮之象有屯而已矣時位不
善應比亦不濟也



六四 句 乘馬班如 句 求婚媾 句 往 句 吉 句 无不利

傳求句而往明也

六四近五而陰柔有志濟屯而才不足非有剛正者
與之共濟不能也初本成卦之主而為四正應是固
已所依歸而相得同心者也剛柔相與有婚媾之象
求初求之也主也往往濟五之屯也初求而四共往
也內度之已外度之人自知既真觀人已審共濟時
艱此為最良吉无不利利建侯之次也

彖言勿用有攸往而四之往則吉无不利何也曰求

也傳求字一讀則其義著矣

當屯之時應初承五剛柔相關二四同功其象略同
義尤專一無岐視之情較二之時物尤善故吉先儒
俱謂四求初而往來氏知德謂四求而初往皆未安
凡卦自內而外為往自外而內為來震有振動之才
初為成卦之主求無疑也至往則難言于從初矣蓋
初有求于四而四因初之求乃共往以濟五之屯也
不然五已陷于陰矣肯求之乎傳辭求而往三字已

自分明須玩而字

五在坎中非柔所能濟而四與應往以濟之四方為
初用而不為陷矣何不利哉



九五 句 屯其膏 句 小貞吉 句 大貞凶

傳屯其膏施未光也

五居尊位而為屯之主以坎為體剛陷柔中雖有施
為未能光大能無屯乎坎水潤澤有膏施意故為屯

膏之象小貞小事大貞大事魏氏了翁曰周禮有大貞謂大卜如遷國立君之事五處險中不利有為但可小事不可大事曰小貞吉大貞凶猶書所謂作內吉作外凶用靜吉用作凶者

以九居五其位雖善其時不善也餘不足言矣況其羣類皆柔乎九五至屯膏而尚可為乎



上六

句

乘馬班如

句

泣血漣如

傳泣血漣如何可長也

陰柔無與坎體屯極去初已遠處于兩剛之外情不相與故雖乘馬班如而進無所往憂傷莫釋其凶可知雖有兩剛班然而上六出乎其外其屯已極復何為哉無可為求無可言婚媾泣而已矣



蒙

句亨句

匪我求童蒙童蒙求我

句初筮告再三瀆瀆

則不告

句

利貞

瀆說文作贖

傳蒙山下有險險而止蒙蒙亨以亨行時中也匪我求

童蒙童蒙求我志應也初筮告以剛中也再三瀆瀆則

不告瀆蒙也蒙以養

句正句

聖功也大象山下出泉蒙

君子以果行育德序卦屯者物之始生也物生必蒙故

受之以蒙蒙者蒙也物之穉

古作稚

也雜卦蒙雜而著

屯之覆也坎來居內震反為艮文王觀此艮下有坎

坎險艮止向往無措因名曰蒙天地之性人為貴知

覺之良感而通筮得蒙象者有亨之義焉何也童蒙

之向亨視乎其志九二剛中以為質而六五虛中以為應感發真切彼此誠孚是則實能求之記所謂禮聞來學不聞往教者志之應而時中之道也此如筮然誠一則應私雜則否今九二剛中高明純一蒙而亨之本也若稍涉偏暗非其時而煩瀆之則我求童蒙矣此養蒙之道所以利于正也童蒙求我匪我求童蒙言二五之中正志之誠應而蒙之可以亨也初筮告再三瀆瀆則不告言必如九二之剛中誠一不

貳而蒙乃可以亨也五句只作二句讀俱明亨字意
利貞即在其中

志應非謂六五之能應謂坎體中實之志能與五為
應也初筮告以剛中也正申明之

先儒以九二為發蒙之人經文我字告字均屬焉義
有未安詳玩聖人彖傳初筮告以剛中也明謂九二
剛中乃足以亨非謂以剛中發人之蒙也且屯初九
為屯而能亨主象蒙九二為蒙而能亨主象皆據其

才而言屯初九能亨時之屯蒙九二能亨已之蒙也
即九二卦辭子克家亦以其為蒙而能亨之主象未
嘗謂其為發蒙之主也聖傳之精殆不可易至本義
分別筮者之明不明亦無著證天地開闢原有屯蒙
之象屯莫切于建國蒙莫切于蒙養作君作師名義
最切最大



初六 句 發蒙 句 利用刑人 句 用說桎梏以往 句 吝

傳利用刑人以正法也

坎下蒙初又其質陰柔冥然罔覺正須敝發故象曰
發蒙得此爻者如馭冥頑以法正之則小懲而大戒
妄希刑措則養奸而釀害故用刑則利而釋法則吝
時蒙位下以柔暗居之蒙昧而不能遽亨者宜有以
敝發之傳曰正法其義已明切無遺不必及其承比
也

本義用說桎梏謂宜暫舍之以觀其後程傳大意略

同俱將用說桎梏為句以往又句故云爾玩聖傳祇
釋利用刑人句而不釋下文以下文即上文之反也
用說桎梏以往作一句讀從二王及來氏為安于文
義亦順



九二

句

包蒙

句

吉

句

納婦

吉

句

子克家

句

包陸德明作苞
鄭康成云當作

彪文
也謬

傅子克家剛柔接也

包容也九二剛中包容羣柔六五柔中相為應與主乎中而接乎柔實能容之爻之最善者故吉柔從乎剛故曰納婦坎中男為主于內而統羣陰故曰子克家包蒙象也吉占也納婦吉又占中之象而吉之類也納婦克家皆包蒙之吉也

九二蒙亨主象傳所謂剛中而志應者時位物皆善羣陰相含剛中為主足以正之子曰克家蒙之最善者矣

子克家主蒙而言與屯初九利建侯同建侯開國也
克家承家也



六三

勿用取女句見金夫句不有躬句无攸利

傳勿用取女行不順也

六三偏闇蒙之甚者時物皆乖而上九相應九二相比陰陽相求有婚取之象然羣分類聚陰以從陽為主女以從一為正不一則爭不正必亂爻不中正惟

陽剛相得者之為利豈能俯從乎二此行之必不順者也故勿用取女金夫剛也相應見也不有躬不中不正也无攸利所以勿取

相應者情相關故上九為金夫二雖同體而不能有



六四句困蒙句吝

傳困蒙之吝獨遠實也

四柔闇處羣陰之中與陽明相隔將從上而隔五將

從二而隔三又不相應欲亨通而不能者故曰困蒙
困不能亨占此者吝



六五 句童蒙 句吉

傳童蒙之吉順以巽也

蒙之所以亨非剛中之質必中而應乎剛六五得中
與九二為應良知良能赤子之心蒙而能亨者也又
艮體少男故曰童蒙有覺之天感而自動理順而志

巽日進高明占此者吉之象也



上九

句

擊蒙

句

不利為寇

句

利禦寇

擊馬鄭皆作繫誤

傳利用禦寇上下順也

九陽剛居上當蒙之極昏昧已甚者非若初之可以
桎梏懲也必大用威伐乃足正之書所謂攻昧者也
故曰擊蒙興戎曰寇無故興戎則蒙在我故不利為
寇彼蒙而我擊之則可以遏亂故利在禦寇上九具

剛斷之才六三在下順而應之用此為擊無不利者
坎為寇盜艮為止亦禦寇之象也



需 句 有孚

光亨

句

貞吉

句

利涉大川

需歸藏作潯鄭
康成又讀作秀

傳需須也險在前也剛健而不陷其義不困窮矣需有
孚光亨貞吉位乎天位以正中也利涉大川往有功也
大象雲上于天需君子以飲食宴樂序卦物穉不可不
養也故受之以需需者飲食之道也雜卦需不進也

坎乾之再交八卦相盪乾上乘坎二柔四剛與訟相
覆推乾下坎上而九五得中文王觀此坎險在前而
乾健在內不欲陷乎險中因名曰需人事之有待如
之筮得需象者九五得位為卦之主陽中實與乾德
相孚合故昭明而宣通所以正固而吉也不往則已
往必有功乾健坎川健行臨乎坎險健而不陷才足
以濟涉大川之象也有孚光亨貞吉九五爻象義利
涉大川卦體象義



初九 句 需于郊 句 利用恒 句 无咎

傳需于郊不犯難行也利用恒无咎未失常也

邑外謂之郊平曠之地九陽剛在需之初坎險尚遠
故曰需于郊占此爻者守其常而不失斯无咎之道



九二 句 需于沙 句 小有言 句 終吉

傳需于沙衍在中也雖小有言以吉終也

鄭康成易沙作沚孟喜易沙字下有衍字楊慎曰衍寬平之地毛際可曰左傳有易衍漢書有酈衍皆此文按沚渚也二未至坎沚不合象蓋沙字之誤至沙字下有衍字則因傳繫而增入者與于郊于泥俱不類從今本為正說文从水从少言水少而沙見也坎為水沙近水之地九二剛中當坎險將近之時健而能需故有此象水在則沙形焉事在則言傳焉當此者雖上當坎險小有危言然剛正得中不進于險終

必獲吉



九三

句

需于泥

句

致寇至

傳需于泥災在外也自我致寇敬慎不敗也

三近于坎險陷在前如水之逼而泥濘也故曰需于泥說卦傳坎為盜寇也然險在外卦猶未至也其竟至也由已致之三以陽居健極乾惕自守我不玩寇則猶可及止也故占不言凶而傳曰敬慎不敗



六四

句

需于血

句

出自穴

傳需于血順以聽也

血憂恤也大戴禮血者猶血注血憂色說卦傳坎為
血卦需于血即需于坎言至坎而需以別乎臨險者
也在險何別乎臨險也臨險者慎不犯也在險者恃
有援也六四上承九五下應初九上順以聽主而不
陷下順以聽應而能濟入險未深從此出矣故曰出

自穴

先儒釋血字以見傷言與象不合文亦不貫又據六
四柔正釋出自穴與聖傳不合失爻之用



九五 句 需于酒食 句 貞吉

傳酒食貞吉以中正也

據坎而言則陷險中矣然在乾上與乾一體當需之
尊位而陽剛中正孚于心光于事亨于時貞于理為

全卦之主而得需之大者不可偏端小義求所謂必
世之仁百年之善使民樂其樂而利其利者大象觀
雲上于天而繫之曰君子以飲食宴樂全主此文而
言樂府有需雅食舉則奏之義取諸此又坎水酒泉
之象中實飲食之象五中正貞固之義需之最吉者



上六

句

入于穴

句

有不速之客三人

句

來

句

敬之

句

終

吉

傳不速之客來敬之終吉雖不當位未大失也

穴坎也上爻坎終已入于穴之象不中不正不當其
位宜其不吉然六極陰柔近比九五下有九三為應
遙合乾體急于救援柔濟以剛必終出險故吉三人
謂乾三陽陽性主進故不速自來六柔順故曰敬
傳不當位以上六所居不中不正居險之極言與困
上六困于葛藟未當也同而來氏知德以初二與三
皆來為不當位失傳意



訟

句

有孚

句

窒

句

惕

句

中吉

句

終凶

句

利見大人

句

不

利涉大川


窒鄭作咥

傳訟上剛下險險而健訟訟有孚窒惕中吉剛來而得中也終凶訟不可成也利見大人尚中正也不利涉大川入于淵也大象天與水違行訟君子以作事謀始序卦飲食必有訟故受之以訟雜卦訟不親也

需之覆也坎來居內乾往居外乾剛坎險內險外健

因名為訟記曰無情者不得盡其辭大畏民志志者
所以孚也室鄭康成作咥云覺悔貌馬融讀蹟猶止
也俱通先儒有孚室為句惕中吉為句費辭難解來
氏于有孚以下室惕中吉四字各自為句但中字語
氣未足今室惕二字分句從來氏中吉二字合句從
九家易需覆為訟坎自外來九二得中所以有孚剛
而得中不過于剛所以室焉思止惕焉內省不至終
訟吉之道也不室不惕則終訟而凶且乾往居上九

五得中居尊大人也能聽訟而使無訟者或虞芮質
成如文王或為之辨明如仲由或使其心化如王烈
或為之和解如卓茂或不與之校如直不疑皆是也
所以利見川坎象坎內乾外險而且健以此涉險馮
河者也天上水下健不能濟死而無悔故不利
剛來得中不必用虞翻卦變只依文王序卦雜卦反
覆相推之法處處渾合乃見本原



初六句 不永所事 句 小有言 句 終吉

傳不永所事訟不可長也雖小有言其辯明也

六陰柔才弱居訟之初不能終訟者也事即訟之事
也有事則有言訟以不終為吉訟不能終雖小有訟
言而心知非敵不敢與校則辯于己者已明是以不
永所事故終吉

小有言即不永所事蓋言者其事也不永所事則小
有言而已玩聖傳其辯明王氏弼謂雖不能終訟而

必辯明來氏知德謂小有言者小有言語之辯白終
吉者得辯明也如所說則已有終事之才矣皆與初
六才柔不終訟之象不合由看傳辯明二字為辯明
其事不知其為人己之辯明也本義專以不能終訟
言爻象傳義俱在其中

先儒以災釋言看來言即所事之言後漢梁相訟節
王暢不道暢上疏謝詔曰易不云乎雖小有言而終
吉此足以證



九二句不克訟句歸而逋句其邑人三百无眚

傳不克訟歸逋竄也自下訟上患至掇也

九二陽剛上對九五剛與剛敵訟矣然九五位尊九
二位卑以卑抗尊必不克也不克故歸逋逋則知畏
罪避患故邑人得免咎眚眚小失左傳所謂不以一
眚掩大德者是也坎為多眚動而得中故曰无眚坎
亦井邑之象

九二剛中有孚當訟之時宜于室也不室訟矣今以
下訟上至于不克然後惕息歸逋不敢終訟猶得全
其邑人仍不終訟之吉也訟無他吉免禍即其吉也
輶帶三褫豈吉也哉或以此爻與彖義不合非也

三〇二

六三 句食舊德 句貞 句厲終吉 句或從王事无成

傳食舊德從上吉也

六三質柔外接純乾舊德猶云先業乾為坎父又臨

于爻上如先人然柔而從之安享順受是則衣租食
稅承其先業能守乎正不敢干訟三雖危地其終自
吉夫以三而承乾亦或從而有事矣然陰柔者其質
承順者其性不居成功仍食舊之貞也聖傳不釋下
文者見无成之為善也

或從王事无成即不食舊德之貞食舊之吉猶云享
成福受餘蔭云爾无成地道代終之事六之體也來
氏謂柔順有餘而剛斷不足安能從王事若重惜其

柔也者不知爻之所以吉者其柔也毛西河以食為
食言之食如噬沒之意與傳所謂從上吉之義悖



九四

句

不克訟

句

復即命

句

渝

句

安貞

句

吉

傳復即命渝安貞不失也

復返也即就也渝變也如鄭人來渝平之渝九陽剛
乘險訟也不中不正未孚也自反不縮訟之不克者
也四承九五臨險知懼能自反而復就乎理是以渝

改初心而安于正不至有失故吉

龔氏原曰二與五訟四與初訟其與為敵者強弱不同而皆曰不克者蓋二以下訟上其不克者勢也四以上訟下其不克者理也二見勢之不可故歸而逋竄四知理之不可故復而即命



九五 句訟元吉

傳訟元吉以中正也

九五陽剛中正居尊御下在訟之中無與倫比故為
聽訟之大人而凡訟者之所利見也書曰惟明克允
曰民協于中曰惟茲臣庶罔或干予正詩曰虞芮質
厥成是斯位矣元吉吉之盡善者也



上九句或錫之鞶帶句終朝三褫之

鞶王肅作盤義近
似褫鄭氏作拖謬

傳以訟受服亦不足敬也

鞶帶大帶命服之飾革剛而象圜致飾于外者上九

處訟之極健之過下應六三柔不能敵克訟者也故
有錫服之象然克訟則終訟矣終訟而凶其常也錫
服其偶也故曰或上九剛極過剛則折故有褫象陽
性暴烈居上九甚強弩之末不能穿魯縞勢也故終
朝而三褫此不于褫知之也當其受錫已知之故傳
曰亦不足敬正爻辭或字之情

易翼宗卷一

欽定四庫全書

易翼宗卷二

湖北巡撫晏斯盛撰

上經



師

句

貞

句

丈人

句

吉无咎

丈人李氏易
解作大人誤

傳師衆也貞正也能以衆正可以王矣剛中而應行險而順以此毒天下而民從之吉又何咎矣大象地

中有水師君子以容民畜衆序卦訟必有衆起故受之以師師者衆也雜卦師憂

需訟坎乾相加覆推而成師比則坤坎相加覆推而成此乾坤對待相推于初交之後坎男往來于其間自然之次也本卦坎上垂坤一剛五柔是羣陰統于一陽如衆之有統率也因名曰師古者兵出于農自十乘百乘以至千乘萬乘皆由田起故稱人之衆皆曰師詩所謂殷之未喪師是也師用以征征之為言

正也又師直為壯九二得中故有貞義詩曰維師尚
父時維鷹揚又曰方叔元老克壯其猷丈人之謂也
九二剛中專閫于下六五正應推轂于上又坎為中
男故有丈人之象且卦德坎險而坤順師雖危事而
大順民心故吉而可以无咎既曰吉又曰无咎者因
兵凶戰危勞民動衆而言言其師之吉而後得无咎也
丈人子夏傳作大人李鼎祚遂謂丈人者大人之誤
然揚雄衆首擬師而其贊曰丈人推拏正襲易丈人

之文不得謂古本非丈人



初六

句

師出以律

句

否臧

句

凶

傳師出以律失律凶也

六在師之初爻故言師出才柔不中當事之始一失
節制必見覆敗故有否臧之戒以律臧也否臧即失
律律正也師之貞也其在樂也十二律皆有正聲是
以古人行師吹律聽聲而知勝負其在師也正為主

而奇為用不正即凶之道不待其履轍而後知也



九二

句在師中

句吉

句无咎

句王三錫命

傳在師中吉承天寵也王三錫命懷萬邦也

九二居下卦之中為師之主以一剛而統羣陰象所謂貞也丈人也吉而无咎者也上應六五六五中而居尊王也德通道合志安天下眷顧殷隆三錫之命誠慎之也此所以得專師中之吉而无咎也



六三

句

師或輿尸

句凶

傳師或輿尸大无功也

六三才柔乘剛二主乎中而三復動乎其外輿如輿
論之輿衆也以二視三則衆矣尸如誰其尸之尸
主也乘剛而動則主矣不中不正違其主帥有凶之
道故傳曰大无功若尸作敗師解則不必釋矣觀後
弟子輿尸更明程傳曰三居下卦之上居位當任者

也不惟其才陰柔不中不正師旅之事任當專一二
既以剛中之才為上信倚必專其事乃有成功若更
使衆人主之凶之道也與尸衆主也蓋指三也以三
居下之上故發此義軍旅之事任不專一覆敗必矣
王氏申子曰三不中不正是小人之才弱志剛者而
居二之上是二為主將三躡而尸之也凡任將不專
偏裨擅命權不出一者皆與尸也軍旅何所聽命乎
其取敗必矣



六四

句

師左次

句

无咎

傳左次无咎未失常也

八陣圖天前衝地前衝在右天後衝地後衝在左右
為前左為後故兵家尚右上將軍居右偏將軍居左
左傳云師三宿曰次左次師後退而舍止也六四以
柔承五知難而退兵家之常故无咎



六五

句

田有禽

句

利執言无咎

句

長子帥師

句

弟子與

尸貞凶

傳長子帥師以中行也弟子與尸使不當也

六五中正居尊為用師命將之主征不庭討不享其
所有事也田以講武有師象故言田羣陰比翼有禽
象故言禽有禽田之所也詩曰獸之所同鹿麋麋
漆沮之從天子之所有禽而田非荒也則以義興師
非黷也言征討之言執言謂聲其罪以討之實象所

謂貞无咎之道也郭京本利執言作利執之非也夫
聲罪致討以義服之可矣在帥師者主之而已六五
柔中而應九二其所有事也師非以黷武也中道也
若執言可服而猶戰焉是又弟子專功之謀矣凶也
盖命將為行師之本長子謂九二即彖所謂丈人自
衆尊之曰丈人自君稱之則曰長子弟子謂三命將
貴兼才德乃堪重寄如九二之剛中為五正應是其
選矣若六三則才柔不中偏裨之衆陰邪狂恣使專

謀議雖貞得無凶乎

玩傳田有禽利執言无咎不釋而專釋長子帥師弟子與尸者以執言為長子之事也六五柔中不欲黷武也不然則專功者主之矣豈師之道哉向來俱不解此

弟子與尸向來俱兼三四言玩彖左次无咎則四能自反而退非與尸者惟三以柔乘二之剛不度才不量力與二有競功之象本文與尸即從前象來非別

一義



上六句大君有命句開國承家句小人勿用
傳大君有命以正功也小人勿用必亂邦也

上六師之終順之至論功行賞建邦啟土之時也又
坤為土地為均為文為眾故有大君有命開國承家
之象亂之終而治之始治即防亂故戒使勿用小
謹始之意為國家計也聖人體元流行不息開國承

家治本也元也小人勿用為治國家言也

朱子曰開國承家小人勿用舊時說只作論功行賞之時不可及小人今思他既一例有功如何不及他得看來開國承家一句是公共得的未分別君子小人在小人勿用則是弗更用他與之謀議經畫耳漢光武能用此義自定天下之後一例論功行封其所以用之左右者則鄧禹耿弇賈復數人他不與焉此義方思量得如此未曾改入本義且記取

胡氏炳文曰初師之始故紀其出師而有律上師之終故紀其還師而賞功六爻中將兵將將伐罪賞功靡所不載末曰小人勿用則又戒辭也雖然亦在於謹其始焉耳曰丈人曰長子用以行師者得其人及其開國承家自不至于用小人矣



比 句 吉 句 原筮 句 元 句 永 句 貞 句 无咎 句 不寧方來 句

後夫凶

傳比吉也比輔也下順從也原筮元永貞无咎以剛中也
不寧方來上下應也後夫凶其道窮也大象地上有水
比先王以建萬國親諸侯序卦衆必有所比故受之
以比比者比也雜卦比樂

師之覆也坤來居下坎往居上文王觀此坎上坤下
坤順坎行五陽居尊衆陰歸之因名為比原再也左
原田漢書原廟本草原筮俱訓再凡卦先內卦後外
卦再筮謂九五比師之反對師而言九五在外卦故

曰原筮九五剛而得中有元善永久貞固之德所以吉而无咎曰吉原筮元永貞者倒揭語也卦體九五得位坤順六二正應羣陰相輔有歸心恐後上下協應之象故曰不寧方來當此比順之時天下歸心有後之者心欲後也觀望遲疑中懷異志是悖乎比之義者窮之道也故曰後夫凶夫出衆者如丈人長子之類牧誓稱夫子勗哉勗哉夫子即其人也庸可後哉初二三四不寧方來者也上六高亢後夫也

蒙屯之反剛來居內故曰初筮比師之反剛往居外
故曰再筮此如貞悔之謂聖傳皆曰以剛中也本義
作再筮以自審不恊



初六

句

有孚

句

比之

句

无咎

句

有孚盈缶

句

終來有他

吉

傳比之初六有他吉也

坤體比初歸附最先方來之始其于五位雖遠而已

有以信之矣本自无咎不但无咎已也孚信之至至
于積誠既久則五其志同道合矣吉何如之六皆比
陽者也而誠不誠異後夫懷疑故凶三與後類故傷
觀後之所以凶則知初之所以吉初對後看吉可豫
卜傳比之初六倒轉爻辭正從初字得義而直決其
有他吉非後與三之所能同也缶雖最薄之陳而誠
積于初則孚之早矣

鄭氏汝諧曰五為比之主初最遠而非其應何以有

吉義蓋機生于應物之先而誠出于志之未變故以
信求比何咎之有盈充也缶素器也居下而位卑擴
吾之信以充之雖遠而非其應終必應而有他吉矣
有他吉者非期於必得而得之也



六二句比之自內句貞吉

傳比之自內不自失也

內已也五其正應有適合之道以天下所共比之主

而已與之應道合志同則一德一心不苟于比而適相比者其正也故正而吉傳曰不自失不失其正也本義曰柔順中正上應九五自內比外而得其正吉之道也



六三 句 比之匪人

傳比之匪人不亦傷乎

不中不正危疑之地處二之後五隔于四不能相比

與上相應後夫之類後夫凶而比傷可知矣之謂上也非初二四之類也故曰匪人專以應言

語類曰初應四為比得其人二應五亦為比得其人惟三乃應上上為比之无首者故為比之匪人也趙氏彥肅曰初比于五先也二應也四承也六三無是三者之義將不能比五矣



六四 句外比之 句貞 吉

傳外比于賢以從上也

上謂九五五位尊剛正一卦之主賢也四從五五在外而四從之正也比之最切者也從龍從虎氣類自然

李氏過曰二與四皆比于五二應五在卦之內故言比之自內四承五在卦之外故言外比之外內雖異而得其所比其義一也故皆言貞吉



九五句顯比句王用三驅句失前禽句邑人不誠句吉

傳顯比之吉位正中也舍逆取順失前禽也邑人不誠

上使中也

九五居尊為比之主剛健中正而羣陰翕然從之剛
健則明而不暗中正則公而不私故曰顯比觀顯之
為義則廓然并包乎天下而無所于迫坦然誠服乎
天下而無所于疑已盡一父之神而吉可知矣失前
禽顯比之德剛中之存來者不殺而衆歸之王者之

仁所以蓄衆邑人不誠顯比之化剛中之致自協乎
中而不知誰之為之帝力于我何有也陸氏振奇曰
三驅失禽置失得于無恤者狀蕩平之王心邑人不
誠泯知識于大順者狀熙皞之王化

三驅失禽之義程傳本義俱以天子不合圍及武湯
祝網為解然古註云凡驅禽而射三度則已也軍禮
禽在前來者不逆而射之不殺降也旁去又不射奔
者不禁也惟背我而去則射之故自髀達肩為上殺

而傷者不以獻是舍逆者不迎射之也取順者取其
所常取如書所謂取亂侮亡也失前禽則所到皆下
不殺一人而全收其衆正顯比之事若來者不拒則
來即取而殺之矣于義未安又邑人不誠本義云雖
私屬亦喻上意不相警備以求必得經傳義俱未合
語類則云邑人不誠如有聞無聲言其不消告誡又
如歸市者不止耕者不變相似後條更切得顯比景
象



上六

句

比之无首

句

凶

傳比之无首无所終也

九五為比之主初比之最先故有喜二正比五四外
比五故皆貞吉六陰柔疑貳比之最後而居于五之
上既已過之不知天命禍可言乎此象之所謂後夫
凶也无首即後也无所終據无首而言也與不寧方
來對看非先无首而後不知所終也王氏弼曰无首

後也處卦之終是後夫也為時所棄宜其凶也王氏
申子曰五以一陽居尊四陰比之于下故彖傳曰下
順從也而上六孤立于外而不從豈非後夫之象二
家得之



小畜

句亨句

密雲不雨

句

自我西郊

小畜歸藏
作寧畜誤

傳小畜柔得位而上下應之曰小畜健而巽剛中而志
行乃亨密雲不雨尚往也自我西郊施未行也大象風

行天上小畜君子以懿文德序卦比必有所畜故受之以小畜雜卦小畜寡也

畜因乎比覆乎履比一陽為五陰所歸而小畜以一陰制乎五陽此其剛柔相因而推之者也履上乾而下兌柔不當位而履乎剛小畜上巽而下乾柔得其位而上下之剛繫之此其剛柔反復而推之者也柔止剛非亨道也第以其內健而外巽陽剛居二五之中而其志得行乃可以亨也兌反為巽自內而外兌

升成巽三往居四故聖傳曰尚往往期于遠而近在
乾上故曰自我西郊夫陰陽和而後雨澤降陽為陰
畜則陰為主而陽未得遽故有此象然不雨不遽雨
也施未行未竟行也此乃所為畜之小而有亨之道
也如初九之復自道九二之牽復九五之有孚則尚
往而施未行之時矣至上九巽變為坎則雨之盈而
畜者盛故貞厲征凶畜之極而亨道難矣先儒俱謂
雲起自西即不成雨故于本文亨下二語不屬經傳

象爻俱多牴牾嘗驗之諺云久雨西風晴久晴西風
雨雲隨風行歷歷不爽則西起之雲亦未嘗不雨也
來氏頗窺亨畜之旨而于象義猶未盡協由其未明
此理并用互爻而不及剛柔相推之本也




初九句復自道句何其咎句吉

傳復自道其義吉也

二五剛中志行故能亨乾不可得而畜也初當畜之

伊始九以陽剛之才乘其機之萌而自行其志不為
四制而四且應之則復其常矣道之本然也故曰復
自道不惟无咎而實為事理之宜故聖傳曰其義吉
此君子之所以大居正也貴謹幾也觀屯否之初可
見



九二句牽復句吉

傳牽復在中亦不自失也

牽連也連乎初也初合志同德者也乾不可畜九二
剛中陰不能制不成乎畜正與初九相牽而復其常
亨畜之理一也聖傳承初九不畜之義而言故曰亦
不自失



九三

句

輿說輻

句

夫妻反目

傳夫妻反目不能正室也

九三切近乎四既比之復迫之欲動不能故有輿說

輻之象三四陰陽比近夫婦之義然陽剛不中而陰柔得位居外將欲制其陰而反為陰制反目不相對視各相惡而不相下也不能正室非不欲正不能正也

項氏安世曰輻陸氏釋文曰本作輶按輻車輶也輶車軸轉也輻以利輪之轉輶以利軸之轉然輻無說理若輶則有說時車不行則說之矣大畜大壯皆作輶字胡氏炳文曰大畜九二輿說輶輶與輻或據左

傳註以為通用何也曰說文輶車下橫木非輻也大畜九二說輶剛而得中自止而不進也小畜九三說輻剛而不中止于陰而不得進也說輶可復進說輻則不可以行矣二說互相發



六四

句

有孚

句

血去惕出

句

无咎

血晁以道作恤

傳有孚惕出上合志也

六四承五為畜之主象五位尊而相得故象為有孚

而傳曰上合志上謂五也畜得其正順承以為畜也
此為最善故无咎血晁氏本作恤蓋恤字之誤也恤
憂恤也謂九三本象陰為陽所迫說輻反目者也四
既承五則九三之憂恤者去矣惕本文四多懼故惕
然以陰承陽畜之正者故出乎惕即象即占從前血
惕二義俱未明徹



九五 有孚攣如富以其鄰

傳有孚攣如不獨富也

四以陰畜陽不得其正惟承五故有孚五則陽為主而陰之畜者成之又有一之剛中為應其志得行故曰有孚攣如攣如孚之甚猶所謂心如結兮者彖之剛中而志行是也畜有富義畜正而盛則富矣鄰即四畜盛而富則四之孚者亦富也如君子臣正其志而諫行言聽則臣亦與共天祿書曰臣哉鄰哉是之謂矣本義謂三爻同力畜乾為鄰之象未合彖傳觀

之



上九

句

既雨既處

句

尚德載

句

婦貞

句

厲

句

月幾望

句

君子征凶

得

幾

唐

一行

作

既

俱

誤

作

作

作

作

作

作

作

作

作

作

作

作

傳既雨既處德積載也君子征凶有所疑也

既雨雨之既也如既然之既月幾望幾及也如庶幾

之幾上九畜之終亨之久富之盛非德之積不足以

載之故曰尚德載不然則滿而傾矣書曰滿而不溢

所以長守富也其為是乎此君子之道貴剛以守之也若陽畜不止則六四用事婦道為主危厲不免如月之及望而陰疑于陽矣君子當此豈可復征故不成者凶也畜極而通則雨矣因彖文不雨而言故曰既雨望月之盈也陰之盛也本文巽體畜極故曰月幾望婦陰道君子猶言男子猶九三之言夫也應也其情同王氏應麟曰小畜上九月幾望則凶陰疑陽也歸妹六五月幾望則吉陰應陽也中孚六四月幾

望則无咎陰從陽也據此分晰得同辭異義之旨然
歸妹中孚之月幾望皆陰爻此獨陽爻變坎則陰之
畜極者不知止也故征凶九三之夫婦反目終必及
也

既雨既處尚德載二句與婦貞厲月幾望君子征凶
三句上下相承對看玩傳文既雨既處德積載也為
一段婦貞厲君子征凶有所疑也為一段文勢分明
先儒以婦貞厲屬上段與君子征凶對看不協



履虎尾

句不咥人亨

傳履柔履剛也說而應乎乾是以履虎尾不咥人亨剛中正履帝位而不疚光明也大象上天下澤履君子以辯上下定民志繫辭履德之基也履和而至履以和行序卦物畜而後有禮故受之以履雜卦履不處也

履小畜之反也小畜外巽之六四來內乾之九三兌柔乾剛而乾上兌下若履踐然故名為履乾虎象凡

卦從下而上則四即其尾也然本卦之體內兌外乾
兌說乾健柔以應剛無所傷害故雖履虎尾而不咥
人占此者亨且五當尊位所履者尊剛中而正故不
疚又九五剛正有光明之象履之所以無傷而能亨
也履虎尾以九四言象傳履帝位以九五言其不咥
人不疚及九五之貞厲而不至凶互相發明



初九 句 素履往 句 无咎

傳素履之往獨行願也

素履猶中庸言素其位而行也素者本然固有之謂履禮也知崇禮卑本文剛而能下居履之初未為物遷率其本然固有者而行之獨得于己不願乎外故无咎



九二

句

履道坦坦

句

幽人

句

貞

句

吉

傳幽人貞吉終不自亂也

九二中正故有履道坦坦之象中道而行依乎中庸者也平易明白中有所主崎險奇衰不足以亂之對九五帝位而言則此為幽人猶中庸所謂遯世不見知而不悔者也剛中即所以為正貞也故吉梁氏寅曰行于道路者由中則平坦從旁則崎險九二以剛居中是履道而得其平坦者也持身如是不輕自售故為幽人貞吉



六三 句眇能視 句跛能履 句履虎尾 咥人 句凶 句武人

為于大君

傳眇能視不足以有明也跛能履不足以與行也咥人之凶位不當也武人為于大君志剛也

不中不正居凶危之地暗昧陂側而行險犯義下履九二上履純乾其志甚剛不免于禍此履之凶者本卦小畜之反也巽反為兌是乾也而成兌矣兌為毀折則眇且跛也不必象家互爻而始合也柔履剛本

爻為履之主就全體而觀則兌說而應乎乾就一爻而言則正履乾剛而失其柔故即承彖文履虎尾而分別之曰比則其啞人者也王氏申子所謂彖總言一卦爻則據其時與位而言是也來氏謂人居兌口鑿矣武陰象三也眇視跛履而履虎尾者也大君乾也為則作威作福之謂為于大君犯分干義履之事也所以明上文之象也聖傳上以位言下以志言本一意王氏申子謂武人用之以有為于大君之前則

可者亦失傳意



九四

句

履虎尾

句

愬愬終吉

吉

作

愬

愬

誤

傳愬愬終吉志行也

履非其地皆屬危機九四不中不正與六三同故亦
曰履虎尾四多懼故愬愬也以剛居下上承九五履
危而知所戒懼與暴虎馮河眇視跛履者異蓋履剛
而能柔志自可行故終吉



九五

句夬履句貞句厲

傳夬履貞厲位正當也

剛中而正履當尊位不疑所行故夬履夬決也快也
中正故貞厲而不至咎凶此即象所謂履虎尾不咥
人傳所謂履帝位而不疚者也所以夬履而貞且厲
者以正當乎履之位決于履且固守其履也以視履
元吉觀之則夬履之貞厲可見矣噬嗑之貞厲无咎

傳曰得當兌五之有厲傳曰位正當皆以當乎位之尊而言也彖傳爻辭非有異文



上九

句視履

句

考祥其旋

句

元吉

傳元吉在上大有慶也

上九履之終行之成不壯往不徑行故曰視履視審慎也考視之詳也祥善之至履之度也旋周旋折旋也中規中矩善也就履而言故不僅曰善而曰祥也

履禮也周規折矩有節有文秩然藹然中乎天則考
祥如是所謂動容周旋中禮盛德之至者履以和行
莫之或過夫履者行若危愬愬者行自懼眇跛者行
若狂坦坦者行未著素履者行未成吉無踰此者故
元吉

來氏知德曰視履作一句與素履夫履同例祥善也
三凶五厲皆非善也考其履之善必皆天理之節文
人事之儀則下文其旋是也旋者周旋折旋也凡禮

以義合而截然不可犯者謂之方猶人之步履折旋也
以天和而怡然不可解者謂之圓猶人之步履周旋也
禮雖有三千三百之多不過周旋折旋而已考其善于周旋折旋之間則中規中矩豈不元吉按此義最精但其中有中文離目視之象也句未解傳元吉在上專以上言不主六三也此又用互爻而失之鑿故刪之



泰句小往大來句吉句亨

傳泰小往大來吉亨則是天地交而萬物通也上下交而其志同也內陽而外陰內健而外順內君子而外小人君子道長小人道消也大象天地交泰后以財成天地之道輔相天地之宜以左右民序卦履而泰然後安故受之以泰泰者通也雜卦否泰反其類也

泰者否之反小謂陰大謂陽往者自內之外來者自外至內小往坤三陰自否內往居外大來乾三陽自

否外來居內陽來陰往交也陰陽交則和和則通上下交則合合則固故曰泰正月之候成平之世天時人事一也吉亨者吉以亨也泰也

雜卦傳否泰反其類言此為反易之卦只從否泰觀其往來大分了然不兼歸妹彖傳較然劉氏牧亦專主內外卦



初九句拔茅茹以其彙句征吉

傳拔茅征吉志在外也

泰初陽來于下天道下濟君德下交之始即上交之
初茅微賤之物以其在初也茹根也彙類也征進也
仕進之謂下交之初衆志欣動進而從君也茹茅之
根彙又根之類思皇多士維周之楨濟濟多士文王
以寧王陽在位貢禹彈冠觀士氣而知興朝之象據
初而言也蓋拔茅之茹而連乎茹之彙則極其下者
而擬之以見交泰之初氣類之從也先儒謂連及三

陽者猶隔一層



九二句包荒句用馮河句不遐遺句朋亡句得尚于中

行

傳包荒得尚于中行以光大也

泰二陽交于二上應六五交之最盛者泰之主也荒
遠也乾體廣大無不兼容而量有必周故曰包荒非
僅初之拔茅茹而以其彙已也九二剛中能濟往而

無阻有馮河之勇焉乾用剛果無所私昵而不疑所
行故曰用馮河非僅初之征進已也惟其體之無不
容也故不遺遐遠惟其用之無所私也故不溺朋比
皆據二而言泰之中道也傳曰光大者中德也本義
謂包容荒穢來氏謂包初皆非也未知上下四句之
相承見義也未知得尚于中行為本文之主也未知
傳舉首尾以括中二句也



九三

句

无平不陂

句

无往不復

句

艱貞无咎

句

勿恤

句

其孚

句

于食

句

有福

傳无往不復天地際也

三處上下卦之間地與天往來之界地之形无平而不陂天之氣无往而不復當此之際非乾陽之貞以固其交能為泰乎知其艱而貞以守之斯无咎震无咎者存乎悔其為艱也能勿恤乎其能貞也則有孚矣孚則陰陽交而泰矣如是則不僅无咎也艱貞者

于是乎食矣且有福矣勿恤恤也于食食也俱二字
為句

泰否反易亦對待九三陰陽交際之大分故就其大
分以為辭與論承應者又別聖傳以一際字括一爻
之象奇甚



六四

句

翩翩

不富

以其鄰

句

不戒

以孚

翩翩陸德明
作篇篇誤

明

作篇篇誤

傳翩翩不富皆失實也不戒以孚中心願也

泰四柔順之體陰以得陽為心上交之時近五應初
同心相應翩翩來不已之貌狀四之情也不富以其
鄰言類應之速不有其富相與為泰也鄰謂五五泰
之至隆四以陰相承急欲相從以成泰同情也傳曰
失實者忘私忘家之謂非不待富之謂不戒以孚言
不富以其鄰之實也不待戒而自孚出于中心之所
欲得也故傳曰中心願實泰交之美者本義謂其占
為有小人合交以害正道君子所當戒于交情傳義

俱未協何氏楷曰此正陰陽交泰之爻也翩翩羣飛而下貌陰虛陽實凡言不富者皆陰爻鄰指五上四能挾其並居之鄰相從而下者以三陰皆欲求陽故不待教戒而能以下孚乎陽也此說近是



六五句帝乙歸妹以祉句元吉

傳以祉元吉中以行願也

帝乙歸妹借時事為象如高宗箕子之類帝乙謂湯

湯稱天乙故亦稱帝乙其嫁妹之辭曰無以天子之富而驕諸侯陰之從陽女之順夫天下之義也往事爾夫必以禮義是也泰五陰居尊位帝女之象泰交于陽下嫁之象來氏謂本卦陰陽交泰陰居尊位而陽反在下故象以此者得之其謂中爻三五為雷二四為澤有歸妹之象者亦偶合此體非本意何也無帝乙二字也社當作禮即必以禮義之文元吉至善而大吉也福在其中皆五之中德為之故傳曰中以

行願也女之嫁與四之願交于陽同也帝制為下嫁之禮則中以行之矣



上六

句

城復于隍

句

勿用師

句

自邑告命

句

貞吝

傳城復于隍其命亂也

泰極矣過乎中矣必復為否政令顛倒成者壞之尚可為哉坤為地為土故取象城隍坤為衆變艮為止故勿用師邑親近之地令不及遠而告命自邑雖正

亦吝泰極之時為之也程子曰掘隍土積累以成城如治道積累以成泰及泰之終將反于否如城土頽圯復及于隍也上泰之終六以小人處之行將否矣師衆也勿用師君之所以能用衆者上下之情通而心同也今泰之將終失泰之道上下之情不通矣民心離散不從其上豈可用也用之則亂衆既不可用方自其親近而告命之雖所告命者得其正亦可羞吝來氏曰此復字正應无往不復復字



否

句

之匪人

句

不利君子貞

句

大往小來

傳否之匪人不利君子貞大往小來則是天地不交而萬物不通也上下不交而天下无邦也内陰而外陽内柔而外剛内小人而外君子小人道長君子道消也大象天地不交否君子以儉德辟難不可榮以祿序卦物不可以終通故受之以否雜卦否泰反其類也

否者泰之反乾三陽往居外坤三陰來居内陽散陰

離不交也陰陽不交則不和不和則不通上下不交則不合不合則不利故曰否哀謝之候敗壞之秋天時人事無可為者否之匪人與履虎尾同人于野艮其背同例獨以匪人當之者內小人小人道長也不利君子貞者不利于君子之正外君子也君子道消也天地塞賢人隱不能以行道為正故大象曰君子以儉德辟難不可榮以祿也泰但言小往大來而著其吉亨否則詳言人事而後言大往小來若曰當斯

時也雖曰天命豈非人事哉言世之否塞皆小人為之也

來往只從泰否反易見義不兼漸卦否之匪人來氏以為非人也天也天字多一轉失聖人立象之意不利二字為句與上下句不相屬只如舊讀即小人道長君子道消之謂也



初六句拔茅茹以其彙句貞句吉句亨

傳拔茅貞吉志在君也

否初事尚可救陰陽雖不交而外有九五剛正之君
因時而早圖之則猶可及止也惟在正而固以守之
則吉而否者以亨亨否非一人之事亦必有傑出之
人氣機之際旋轉之功在初為最切也且否泰反易
同體故初爻之辭差同其不同者貞也亨也貞君子
之道也彖辭不利君子貞而初以貞而吉且亨者以
初之時言也君子之道未竟消也先儒俱以三陰皆

為小人是專見象而不見爻也象言陰陽之大分爻
言所值之時位各有所當約而言之諸卦大象之不
吉者初爻皆有吉義如屯蠱睽蹇之類言其勢之可
迴也且據其材而言之苟有可治則否即可亨也四
五六亦然古今治世而伏亂幾亂世而基治理豈不
惟其人乎



六二 句 包承 句 小人吉 句 大人否亨

傳大人否亨不亂羣也

包一陰居中而上下兩陰包之也承承六三也六二
柔中當否之時包陰而又承三無所作為承順而已
夫不敢妄作小人之福也故吉然文本中正可以自
立雖包陰承三不為所亂安其否而道自亨也或曰
上應九五否者可亨也曰天地不交不能為應也六
十四卦中有應而不能為應者獨此卦也故傳曰不
亂羣獨言大人者所以著君子之柔正不同乎小人

之柔靡也



六三

句包羞

傳包羞位不當也

六三偏暗當上下交接之地有陽可從而偏邪險側
與羣陰為黨以成為否小人誤國貽禍于世上下切
齒齟面自安可羞孰甚詩云天之方蹶無然泄泄孟
子曰泄泄猶沓沓也事君無義進退無禮言則非先

王之道者猶昏昏也其是之謂乎



九四

句

有命

句

无咎

句

疇離祉

傳有命无咎志行也

否九四泰之九三也而所處之地尤善以陽居四剛而承五剛中之君相與共濟亨否何疑命以四承五出納王命柔不茹剛不吐何咎之有泰三勿恤有孚而後有福否四有命自无咎而同類且受祉語曰大

早之後易為澤所處之地然也疇類也離麗也祉福也項氏安世曰泰雖極治以命亂而成否否雖極亂以有命而成泰命者天之所令君之所造道之興廢豈非天邪世之治亂豈非君邪旨哉斯言

明王文成公答朱侍御書曰疇祉盈朝志行于衆



九五

句休否

句大人吉

句其亡其亡繫于苞桑

傳大人之吉位正當也繫辭子曰危者安其位者也亡

者保其存者也亂者有其治者也是故君子安而不忘危存而不忘亡治而不忘亂是以身安而國家可保也
易曰其亡其亡繫于苞桑

否至于五噫甚矣將息矣九五剛中故足濟否非大人孰能與于斯乎然否之在休猶未盡也未亡者一綫耳苞桑之繫微矣桑非樟楠松柏之大不固磐石而繫苞桑其危何如否休之際有此象也漢唐中興不其然乎繫辭傳于危亡亂丁寧再三聖人之情見

乎辭皆休之義也否泰之分也

唐陸贄收復河北後請罷兵狀云邦國之杌捏綿綿
連連若苞桑綴旒幸而不疎者縷矣此語可以觀象



上九句傾否句先否後喜

傳否終則傾何可長也

否極矣亂極生治否之上九泰之上六時勢必然泰
上曰復否上曰傾傾與復正相對傾盡則泰矣故先

否後喜傳曰何可長言不終否也陽長而陰消也天之元為之主也



同人于野

句亨

利涉大川

句

利君子貞

傳同人柔得位得中而應乎乾曰同人同人曰同人于野亨利涉大川乾行也文明以健中正而應君子正也惟君子為能通天下之志大象天與火同人君子以類族辨物序卦物不可以終否故受之以同人雜卦同人

親也

泰否小乾坤也以下一陰五陽一陽五陰者四而同人則其間接續者也師一陽居二而統羣陰同人一陰居二而合羣陽師衆也同人親也名卦相因同人大有乾離相加覆推而成柔以二為正為中柔正居中足繫兩陽而外又應乎乾以柔中而合健德大同之象也故曰同人其于野涉川皆謂乾也于野象其曠遠涉川象其健行曠遠者無私交健行者無沉溺

故亨且利又離文明而乾健九五中正而應乎二惟其中正故羣陽俱應也非君子孰能與于斯貞正也



初九

句

同人于門

句

无咎

傳出門同人又誰咎也

剛正居下同人之初無所偏係又位在最近之地故曰門于門者于野之初也傳曰出門則無門內之私二之柔中在前同之而不徇也故曰誰咎



六二 句 同人于宗 句 吝

傳同人于宗吝道也

宗主也六二為同人主爻其在大象本以柔中而同
乎羣陽大公之道也至于本爻則二與五為正應其
情專一于初三四上若相離者然失同人之道矣與
大象之應乎純乾者異故吝



九三句伏戎于莽句升其高陵句三歲不興

傳伏戎于莽敵剛也三歲不興安行也

卦以同為義不同則爭乾來同于離而三以偏暗居離之間欲敗其同然乾尊離明不得肆也又九三剛而不中欲與二同而二與五為應不能為同欲謀間五而剛正不敵同而不同是有戎心矣且三居下卦之上隔四望五故有升其高陵之象然乾敵剛正終不能動故三歲不興三歲爻居三也不興即伏也靜

而不動也故傳曰安行安行猶曰潛行



九四

句

乘其墉

句

弗克攻

句

吉

傳乘其墉義弗克也其吉則困而反則也

四亦欲同乎二而惡其專于五也墉謂三離中虛有垣象故三為其墉四乘而攻之然剛在乾下尚知自反以五在上而不能逞也以五為正而不可肆也不逞故乘墉而攻不克也不可肆故終守分遜五而

吉也傳曰義弗克非但勢不克五尊與二為正應實有不可攻之義困而反則則知義矣



九五

句

同人先號咷而後笑

句

大師克

句

相遇

傳同人之先以中直也大師相遇言相克也繫辭同人先號咷而後笑子曰君子之道或出或處或默或語二人同心其利斷金同心之言其臭如蘭

不同則憂同則喜同人之情所必至也號咷憂之切

笑喜之誠先號咷者三四間之也後笑者五與二中
正而應也人之不同者即爭象三伏莽四乘墉陽剛
設險必大師乃克既克則同而相遇矣傳同人之先
句連號咷後笑在內如包荒得尚乎中行拔茅征吉
等句皆省文也



上九

句

同人于郊

句

无悔

傳同人于郊志未得也

初曰門二曰宗三曰陵四曰壙五能同矣上居其外
離其儔侶故曰郊又乾有郊野大象國外謂之郊郊
外謂之牧牧外謂之野皆曠遠之地于郊去野不遠
宜同占義矣而僅曰无悔者本爻廓落無與耳未若
大象之類應無私也于野者文明以健剛中而應能
通天下之志于郊則于野有間矣明健不足剛而不
中九三不應雖无所悔而實未能通天下之志也故
傳曰志未得象傳志字正對象傳志字



大有

句元句亨

傳大有柔得尊位大中而上下應之曰大有其德剛健而文明應乎天而時行是以元亨大象火在天上大有君子以遏惡揚善順天休命序卦與人同者物必歸焉故受之以大有雜卦大有衆也

同人之覆也陽大陰小大謂陽六五柔尊得中上下交應五陽皆其所有故曰大有也乾剛健離文明乾

三陽應離六五與天相應時中而行所以元善而亨
通也乾曰元亨利貞大有曰元亨離明天上與天同
體矣

程子曰卦之才可以元亨也凡卦德有卦名自有其
義者如比吉謙亨是也有因其卦義便為訓戒者如
師貞丈人吉同人于野亨是也有以其卦才而言者
大有元亨是也由剛健文明應天時行故能元亨也



初九句无交害句匪咎句艱則无咎

傳大有初九无交害也

五陽皆為六五之有初去五尚遠不能相與故无交
然陽剛在初不涉物累故亦无害不求不忤非有咎
也其所以无交害者剛以守之也艱也斯无咎之道
六五曰厥孚交如威如羣陽皆孚也此曰无交害遠
于五也



九二句大車以載

句有攸往

无咎

車蜀才本作與

傳大車以載積中不敗也

陽剛得中正應六五能成其有若大車之載物中廣能積滿而不溢足以任重致遠故往而无咎



九三句公用亨于天子

句小人弗克

亨虞氏作享與春秋傳合

傳公用亨于天子小人害也

本義亨春秋傳作享謂朝獻也古者亨通之享享獻

之享烹飪之烹皆作亨確不可易先儒作亨通之亨者泥于字也當大有之時居上下之交二有大車之載往四有匪彭之无咎則三以乾下之上而上交離明宜其為公也為亨于天子也雖地處偏隘剛柔之際不無小人之害然健以明繼不能勝也亦不可不慎也亨之成不成重有關於大有之時也象傳分明程傳謂小人處之則專其富有以為私本義謂小人无剛正之德雖得此文不能當俱不協來瞿塘知四

之阻為小人而又以離為兵戈之象亦鑒



九四句匪其彭句无咎

傳匪其彭无咎明辨哲也

程傳曰彭盛多之貌詩載驅云行人彭彭行人盛多之狀雅大明云駟驥彭彭言武王戎馬之盛也沈氏該曰謙少自居而懼以戒其盛得明哲保身之義故无咎按四連三陽而進彭彭然盛之貌也四多懼以

剛下柔戒懼謙退不有其有彭彭然者匪其有也明
于義理之至也故无咎沈氏深得象傳意

六五

六五 句 厥孚交如 句 威如吉

傳厥孚交如信以發志也威如之吉易而无備也

六五虛中九二誠應五虛中而信于下二志實而應
乎上上下下交孚之象也書曰元首明哉股肱良哉大
有之交也二應而五陽俱應矣故曰厥孚交如斯時

也恭己南面禮明樂備坦易明白不大聲色離當文
明故曰威如先儒威如句作戒辭未詳聖傳



上九句自天祐之吉无不利

傳大有上吉自天祐也繫辭易曰自天祐之吉无不利
子曰祐者助也天之所助者順也人之所助者信也履
信思乎順又以尚賢也是以自天祐之吉无不利也

六五有乎大者也羣陽大之有乎五者也上吉大之

極而六五柔中實與親信上剛從柔思順乎五常有之極不自有其有而為六五有心知六五之賢而尚而信且順之相得之深有之成也故曰自天祐之吉无不利而傳曰大有上吉自天祐也言上之所以吉也繫辭傳所謂履信思乎順又以尚賢者正相發明本義曰大有之世以剛居上而能下從六五是能履信思順而尚賢也經傳聯貫無復疑義而郭氏雍鄭氏汝諧俱謂履信思順為六五之事而特于上九發

之以見其有失交義矣



謙亨句君子有終

傳謙亨天道下濟而光明地道卑而上行天道虧盈而益謙地道變盈而流謙鬼神害盈而福謙人道惡盈而好謙謙尊而光卑而不可踰君子之終也大象地中有山謙君子以裒多益寡稱物平施繫辭謙德之柄也謙尊而光謙以制禮序卦有大者不可以盈故受之以謙

雜卦謙輕

同人大有皆一陰五陽見于泰否之後謙豫則皆一陽五陰坤艮反覆相推而成者自然相因之序也為卦上坤下艮地卑居上山高居下坤順艮止艮九三一陽止于坤順之下皆不自尊亢之象故名曰謙天地之體用人鬼之性情皆以謙為貴其德足為眾之所歸故有亨道是謙之所以亨由艮之一陽止於眾陰之間尊而終見其光卑而終不可踰故曰君子有

終



初六

句

謙謙君子

句

用涉大川

句

吉

傳謙謙君子卑以自牧也

六在謙初以謙自治者謙而又謙敬謹之至用涉危
險必克有濟故吉止而順以柔處初涉險不陷即涉
川之義不必互體震坎隔爻取象



六二 句 鳴謙 句 貞吉

傳鳴謙貞吉中心得也

鳴和于外也柔順中正與三相得三為謙之主鳴謙
鳴三之謙也同聲相應同氣相求聲氣不孤得心應
響有不啻若自其口出者矣故為鳴謙惟其中正故
貞且吉蘇氏軾曰雄鳴則雌應故易以陰陽唱和寄
之于鳴謙之所以為謙者三六二其鄰也上六其配
也故皆和之而鳴于謙來氏取小過飛鳥之象為鳴

不若此條得卦之主



九三

句勞謙

君子有終句吉

傳勞謙君子萬民服也繫辭勞謙君子有終吉子曰勞而不伐有功而不德厚之至也語以其功下人者也德言盛禮言恭謙也者致恭以存其位者也

三剛德艮體居下之上為羣陰之所歸有功于民者也而止于坤順之際不傲上不凌下所謂謙尊而光

卑而不可踰者此君子也其有終也萬民之所以服也故吉繫辭傳有功謂已成之功即勞也故下云語以其功下人者也來氏取象互坎分別功先勞後失傳意



六四 句无不利 撝謙

傳无不利撝謙不違則也

上有柔中之君四下之而不亢故无不利然三者謙

之主爻以剛下柔謙之所以為謙也諸爻之謙視之
為則四之所以无不利者當發揮乎三之謙也二承
三上應三皆得鳴三之謙四乘三當發揮乎三之謙
觀傳所謂不違則者爻義甚明本義于撝謙另作戒
辭來氏解為撝者裂也避陽而去之俱非聖傳意



六五

句

不富以其鄰

句

利用侵伐

句

无不利

傳利用侵伐征不服也

柔中居尊虛其中不有其富也羣陰同類鄰也能左右之曰以不有其富而急其鄰衆可用矣六五之謙衆人所服有不服者不成謙也用衆征之自无不利不必如來氏以中文之變離為兵戈也其不服者與萬民之服異志不得已而伐之耳然以六五之不有其富則亦謙之亨者也他事俱无不利



上六

句

鳴謙

句

利用行師征邑國

傳鳴謙志未得也可用行師征邑國也

三謙之主也二既鳴謙矣中而比近故心相得上與
三應亦從而鳴之无如位高中恭儉豈以聲音笑
貌為哉過謙之則而鳴之是為不善鳴矣位高也不
中也志未得也以之行師征邑國則闕順極故可
用也邑國私屬正内也

易翼宗卷二